

Авсн даалгъвран кўцәдженә

Яшалтинск района „Новый мир“ гидг колхозин колхозникуд, туурсн Октябрин 40 өөнд нерәдгсн даалгъврмудан кўцәхин эркд йир ик шунмгъа көдлмш кеджәцхәнә.

Мана колхозд 1200 гектар эрдни - шишә нургълдж силос кехин төлә тәргдсн бәәнә. Энүнә ургъцаснь нег бод малин толгъад 10 тонн, хөн малин толгъа болгънд 1,5 центнер силос белдгдх зөвтә.

Ода самлдж-асрлгънд колхозникудин хойр звено, дакад

сургъулин 15 күүкд - көвүд көдлдж йовна. Көдлдж йовх улсас хойрдгч бригадин Конева Мария гидг комсомолкин звено йир сәәнәр, өдрин норман кўцәгъад көдлдж йовна. Эрдни-шишән гарц дегд сән болчкад, цевр. Ондртән 60 сантиметр гарчксн, кўригъад көкрәд бәәнә. Гектар болгънас 40 центнер эрдни - шишә авх даалгъвран эрк-биш кўцәхәр, колхозникуд зүткдж йовцхана.

И. СМОЛЯНКО.

Колхозин партийн бюрон сегләтр